



UNIVERSITÄTS-
BIBLIOTHEK
PADERBORN

Divi Thomae Aqvinatis Doctoris Angelici Opera Omnia

Summa diligentia ad exemplar Romanæ Impreßionis restituta
Complectens Primam Secundæ, & Secundam Secundæ Summæ
Theologiæ

Thomas <von Aquin, Heiliger>

Venetiis, 1593

3 Quæ sunt virtutes huiusmodi.

[urn:nbn:de:hbz:466:1-72759](https://nbn-resolving.org/urn:nbn:de:hbz:466:1-72759)

Sat, sed fm imp. & defectam rationem virtutis dicitur A
 virtus, quæ non requirit rectitudinem appetitus,
 quia solum facit facultatem bene agendi, non aut
 cauatur boni operis vsum. Constat aut, q̄ perfectum
 est principaliter imperfecto, & ideo virtutes, q̄ con-
 tinent rectitudinem appetitus, dicuntur principales:
 hmoi autem sunt virtutes morales, & inter intelle-
 ctuales sola prudentia, quæ est quodam modo mo-
 ralis est secundum materiã, vt ex * supradictis pa-
 tet: vnde conuenienter inter virtutes morales pon-
 untur illæ, quæ dicuntur principales, seu cardinales.

AD PRIMVM ergo dicendum, q̄ quando genus
 vniocum diuiditur in suas species, tunc partes di-
 uisionis ex æquo se habent secundum ratione generis
 licet fm naturam rei vna species sit principa-
 lior, & perfectior alia, sicut homo alijs animalib.
 Sed quando est diuisio alicuius analogi, quod dicitur
 de pluribus secundum prius, & posterius, tunc
 nihil prohibet vnum esse principaliter altero, etiã
 secundum communem rationem: sicut substantia,
 principaliter dicitur ens, quàm accidens, & talis est
 diuisio virtutum in diuersa genera virtutum, eo q̄
 bonum rationis non secundum eundem ordinem
 inuenitur in omnibus.

AD SECVNDVM dicendum, quod virtutes theo-
 logicæ sunt supra hominem, vt * supra dictum est.
 Vnde non proprie dicuntur virtutes humanæ, sed
 super humanæ, vel diuinæ.

AD TERTIVM dicendum, q̄ aliæ virtutes intelle-
 ctuales, & prudentia, etsi sint principaliores, quàm
 morales quantum ad subiectum, non tamen sunt
 principales quantum ad rationem virtutis, quæ
 respiciunt bonum, quod est obiectum appetitus.

ARTICVLVS II.

Utrum sint quatuor virtutes car-
 dinales.

AD SECVNDVM sic procedit.
 Vt, q̄ non sint quatuor vir-
 tutes cardinales. Prudentia enim
 est directiua aliarum virtutum mo-
 raliū, ut ex supradictis patet: D
 sed id, quod est directiuum aliorum principaliter
 est: ergo prudentia sola est virtus principalis.

¶ 2. Præ. Virtutes principales sunt aliquo modo
 morales: sed ad operationes morales ordinamur p
 rionem practicam, & appetitū rectum, ut dicitur in
 6. Ethic. ergo solæ duæ virtutes cardinales sunt.
 ¶ 3. Præ. Inter alias etiam virtutes una est principa-
 lior altera: sed ad hoc, q̄ virtus dicatur principalis,
 non requiritur, quod sit principalis respectu oīum,
 sed respectu quarundam: ergo videtur, quod sint
 multo plures principales virtutes.

SED CONTRA est, quod * Gregor. dicit in 2.
 Moral. In quatuor virtutibus tota bona operis stru-
 ctura conlurgit.

RESPON. Dicendum, q̄ numerus aliquorū acci-
 pi potest aut fm principalia formalia, aut secū dū
 subiecta & utroq; modo inueniuntur quatuor car-
 dinales virtutes. Principiū enim formale virtutis,
 de qua nūc loquimur, est rōnis bonum, quod qui-
 dem dupliciter potest considerari. Vno modo, fm
 quod in ipsa consideratione rationis cōsistit, & sic
 erit una virtus principalis, quæ dī prudentia. Alio
 modo, fm quod circa aliquid ponitur rationis or-
 do, & hoc vel circa operationes, & sic est iustitia:
 vel circa passiones, & sic necesse est esse duas virtu-
 tuc

tes. Ordinem enim rationis necesse est ponere cir-
 ca passiones, considerata repugnantia ipsarū ad ra-
 tionem, quæ quidē potest esse dupliciter. Vno mo-
 do, secundum, quod passio impedit ad aliquid
 contrarium rationi, & sic necesse est, quod passio
 reprimatur, & ab hoc denominatur temperantia.
 Alio modo, secundum quod passio retrahit ab eo,
 quod ratio dicitur, sicut timor periculorū, vel labo-
 rum, & sic necesse est, q̄ hō firmetur in eo quod est
 rationis, ne recedat, & ab hoc denominatur forti-
 tudo. Et similiter secundum subiecta idem nume-
 rus inuenitur. Quadruplex enim inuenitur subie-
 ctum huius virtutis, de qua nunc loquimur, scilicet
 rationale per d essentiam, quod prudentia perficit:
 & rationale per participationem, quod diuidit
 in tria, id est, in uoluntatem, quæ est subiectum
 iustitiæ, & concupiscibilem, quæ est subiectum tē-
 perantiæ: & in irascibilem, quæ est subiectum for-
 titudinis.

AD PRIMVM ergo dicendum, quod prudentia est
 simpliciter principalior omnibus: sed aliæ ponun-
 tur principales unaquæque in suo genere.

AD SECVNDVM dicendum, q̄ rationale per par-
 ticipationem diuiditur in tria, ut * dictum est.

AD TERTIVM dicendum, quod omnes aliæ vir-
 tutes, quarum una est principalior alia, reducuntur
 ad prædictas quatuor, & quantum ad subiectum,
 & quantum ad rationes formales.

ARTICVLVS III.

Super Durstio. 61.
 Artic. 3.

Utrum aliæ virtutes magis debeant di-
 ci principales, quàm ista.

AD TERTIVM sic proceditur.
 Videtur, quod aliæ uirtutes
 magis debeant dici principales,
 quàm ista. Id enim quod est ma-
 ximum in unoquoque genere, uidetur esse princi-
 palius: sed magnanimitas operatur magnū in om-
 nib. uirtutibus, ut dicitur in 4. Eth. * ergo magna-
 nimitas maxime debet dici principalis uirtus.

¶ 2. Præ. Illud per quod aliæ uirtutes firmantur, ut
 esse maxime principalis uirtus: sed humilitas est hu-
 iusmodi, dicit n.† Greg. q̄ qui ceteras uirtutes sine
 humilitate congregat, quasi paleas in uentum por-
 tat. ergo humilitas uidetur esse maxime principalis.

¶ 3. Præ. Illud ut esse maxime principale, q̄ est pfe-
 ctissimum: sed hoc pertinet ad patientiam, secun-
 dum illud Iacob. 1. Patientia opus perfectum habet:
 ergo patientia debet poni principalis.

SED CONTRA est, quod * Tullius in sua Rhetori-
 ca ad has quatuor omnes alias reducit.

RESPON. Dicendum, q̄ sicut * supra dictū est, hu-
 iusmodi quatuor uirtutes cardinales accipiuntur
 secū dū quatuor formales rōnes uirtutis, de qua lo-
 quimur. Quæ quidem in aliquibus actibus, uel pas-
 sionibus principaliter inueniuntur: sicut bonū cō-
 sistens in consideratione rōnis, principaliter inue-
 nitur in iplo rationis imperio, non aut in consilio,
 neq; in iudicio, ut * supra dictum est. Similiter aut
 bonum rationis, prout ponitur in operationib. secun-
 dū rationem recti, & debiti, principaliter inue-
 nitur in commutationib. uel distributionibus, quæ
 sunt ad alterum cum æqualitate. Bonum aut refræ-
 naodi passiones principaliter inuenitur in passio-
 nibus, quas maxime difficile est reprimere. In dele-
 ctationibus tactus. Bonum aut firmitatis ad standū
 in bono rationis contra impetum passionū, præci-
 pue

D. 119.

In isto arti.

Art. priorē
& poster. de
locis ubi no-
tatis. & 3.
dist. 33. q. 2.
art. 4. q. 4.

lib. 4. Eth.
ca. 2.

Homil. 7. in
Euang. in h.
il. 1. 3. o. in
1. 3. panis ē
uani.

Lib. 2. de in-
uic. a. med.

Ar. præced.

q. 57. ar. 3.

que inuenitur in periculis mortis, contra quæ difficillimum est stare. Sic igitur prædictas quatuor virtutes dupliciter considerare possumus. Vno modo, secundum communes rationes formales, & secundum hoc dicuntur principales, quasi generales ad omnes virtutes, vtpote, quod omnis virtus quæ facit bonum in consideratione rationis, dicatur prudentia: & quod omnis uirtus, quæ facit bonum debiti, & recti in operationibus, dicatur iustitia: & omnis uirtus, quæ cohibet passiones, & deprimat, dicatur temperantia: & omnis uirtus, quæ facit firmitatem animi contra quascunque passiones, dicatur fortitudo: & sic multi loquuntur de istis uirtutibus tam sacri doctores, quam et philosophi: & sic alie uirtutes sub ipsis continentur: unde cessant omnes obiectiones. Alio uero modo possunt accipi, secundum quod iste uirtutes denominantur ab eo quod est præcipuum in unaquaque materia. Et sic sunt speciales uirtutes contra alias diuisæ: dicuntur tamen principales respectu aliarum propter principalitatem materie, puta quod prudentia dicatur, quæ præceptiua est: iustitia, quæ est circa actiones debitas inter æquales: temperantia, quæ reprimat concupiscentias delectationum tactus: fortitudo, quæ firmat contra pericula mortis. Et sic et cessant obiectiones, quia alie uirtutes possunt habere aliquas alias principalitates, sed istæ dicuntur principales ratione materie, ut supra dictum est.

Ita in homet arti.

¶ Super Questio. 61. Artic. 4.

ARTICVLVS IIII.

Utrum quatuor uirtutes cardinales differant abinuicem.

Intra q. 66. ar. 2. cor. & 2. 2. q. 133. ar. 2. & 11. cor. & q. 194. artic. 1. cor. pri. & 3. dist. 33. q. 1. ar. 1. q. 3. & 4. q. 1. ar. 32 ad 13. & 66. & 2. Eth. lec. 8. ¶ Licet mor. q. 1. a mod.

IN artic. 4. mandatur memoria redundantiæ uirtutum, & eius causam, & modum habes in litera, quod redundat altera in alteram, quia potens in maius, potest in minus, & ex victoria maioris habilius mens redditur ad uincendum minoram.

¶ Super

perans, & iusta non est: nec uera iustitia, quæ prudens, & fortis, & temperans non est. Hoc autem non contingeret, si prædictæ quatuor uirtutes essent abinuicem distinctæ: diuersæ enim species eiusdem generis non denominantur seinuicem. ergo prædictæ uirtutes non sunt abinuicem distinctæ.

Lib. 1. ca. 16. pauo 2 pri ep. com. 1.

¶ 2. Præter eorum, quæ abinuicem sunt distincta, quod est unius, non attribuitur alteri: sed illud quod est temperantiæ, attribuitur fortitudini: dicit enim in Ambro. in 1. lib. de offic. iure ea fortitudo uocatur, quando unusquisque seipsum uincit, nullis illecebris emollitur, atque inflectitur. De temperantia etiam dicit, quod modum, uel ordinem seruat omnium, quæ uel agenda, uel dicenda arbitramur. ergo uidetur, quod huiusmodi uirtutes non sunt abinuicem distinctæ.

Ca. 4. to. 5.

¶ 3. Præter Philosophus * dicit in 2. Eth. quod ad uirtutem hæc requiruntur. Primum quidem si sciens: deinde si eligens, & eligens propter hoc: tertium autem si firme, & immobiliter habeat, & operetur. Sed horum primum uidetur ad prudentiam pertinere, quæ est recta ratio agibilium. Secundum scilicet eligere, ad temperantiam, ut aliquis non ex passione, sed ex electione agat passionibus refrænatis: Tertium, ut aliquis propter debitum finem operetur, rectitudinem quandam continet, quæ uidetur

ad iustitiam pertinere. Aliud scilicet firmitas, & immobilitas, pertinet ad fortitudinem. ergo quælibet harum uirtutum est generalis ad omnes uirtutes: ergo non distinguuntur ad inuicem.

SED CONTRA est, quod * August. dicit in lib. de Moribus Ecclesie, quod quadrupartita dicitur uirtus ex ipsius amoris uario affectu: & subiungit de prædictis quatuor uirtutibus. prædictæ ergo quatuor uirtutes sunt abinuicem distinctæ.

RESPON. Dicendum, quod sicut supra dictum est, prædictæ quatuor uirtutes dupliciter à diuersis accipiuntur. Quidam enim accipiunt eas, prout significant quosdam generales conditiones humani animi, quæ inueniuntur in omnibus uirtutibus. ita. scilicet quod prudentia nihil sit aliud, quam quædam rectitudo discretionis in quibuscunque actibus uel materijs. Iustitia uero sit quædam rectitudo animi, per quam homo operatur quod debet in quacunque materia. Temperantia uero sit quædam dispositio animi, quæ modum quibuscunque passionibus uel operationibus imponit, ne ultra debitum efferantur. Fortitudo uero sit quædam dispositio animæ, per quam firmetur in eo, quod est rationem contra quoscunque impetus passionum, uel operationum labores. Hæc autem quatuor sic distincta non important diuersitatem habituum uirtutum, quantum ad iustitiam, temperantiam, & fortitudinem. Cuilibet enim uirtuti morali, ex hoc, quod est habitus, conuenit quædam firmitas, ut à contrario non moueatur, quod dictum est ad fortitudinem pertinere: ex hoc uero, quod est uirtus, habet quod ordinetur ad bonum, in quo importatur ratio recti, uel debiti, quod dicebatur ad iustitiam pertinere: in hoc uero, quod est uirtus moralis rationem participans, habet quod modum rationis in omnibus seruet, & ultra se non extendat, quod dicebatur pertinere ad temperantiam. solum autem hoc, quod est discretioem habere, quod attribuebatur prudentiæ, ut distinguat ab alijs tribus, in quantum hoc est ipsius rationis per effectum: alia uero tria important quandam participationem rationis per modum applicationis cuiuslibet ad passiones, uel operationes. Sic igitur secundum prædicta, prudentia quidem esset uirtus distincta ab alijs tribus, sed alie tres non essent uirtutes distinctæ abinuicem. Manifestum est enim, quod una & eadem uirtus, & est habitus, & est uirtus, & est moralis. Alij uero, & melius, accipiunt has quatuor uirtutes secundum quod determinantur ad materias speciales, unaquaque quidem illarum ad unam materiam, in qua principaliter laudatur illa generalis conditio, à qua nomine uirtutis accipitur, ut supra dictum est, & secundum hoc manifestum est, quod prædictæ uirtutes sunt diuersæ abinuicem secundum diuersitatem obiectorum distinctam.

AD PRIMUM ergo dicendum, quod Grego. loquitur de prædictis quatuor uirtutibus, secundum primam acceptionem. Vel potest dici, quod iste quatuor uirtutes denominantur abinuicem per redudantiam quandam. Id enim quod est prudentiæ, redundat in alias uirtutes in quantum à prudentia diriguntur: unaquaque uero aliarum redundat in alias ea ratione, quod qui potest, quod est difficilius, potest & id quod minus est difficile. Unde qui potest refrænare concupiscentias delectabilium secundum tactum, ne modum excedat, quod est difficillimum, ex hoc ipso redditur habitior ut refrænare audaciã in periculis mortis, ne ultra modum procedat, quod est longe facilius, & secundum hoc fortitudo dicitur temperata: Temperantia dicitur fortis ex redundantia fortitudinis in temperantiam, in quantum. scilicet ille qui per fortitudinem habet animum firmum contra pericula mortis, quod est difficillimum